



PARTII INUIT INATSISARTUNI

Partii Inuit

UKA 2013/70-1

Randi Broberg

15.10.2013

Una pillugu siunnersuut: Maani nunami ilinniartitsisunngorniarterup qaffasissusaa nunani killerni ilinniartitsisunngorniarterup qaffasissusaanut assersuunneqarsinnaanersoq paasiniarlugu Naalakkersuisut misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Andreas Uldum, Demokraatit)

Naalakkersuisut misissueqqullugit peqquneqarnissaannik Inatsisartut aaliangiiffigisassaattut siunnersuut pineqartoq, Partii Inuit ima oqaaseqarfingissavaat:

Siunnersuut soqtiginartuuvoq, inuiaqatigiinnilu pissutsinut assigiinngitsorpassuarnut attuumassuteqarluni.

Partii Inuit isumaqarpugut Nunatsinni ilinniartitaanikkut angusaasartut taama appasitsignerannut, ullumikkut inuiattut killiffitsinnut annertuumik attuumassuteqartoq.

Isumaqtataavugullu meeqqat atuarfiat annertuumik tunngaviliisummat, ullumikkut meerartarta inuusuttattalu siunissaminni imminnut napatissinnaanissaannut pilorsorsinnaanerannullu.

Partii Inuit erseqqissarusupparput, Ilinniartitsisunngorniarfiup saniatigut, pissutsit pingaarutilit taaneqartariaqartut tassaammata ulluinnarni meerartatsinnut inuusuttatsinnullu atugassaritinneqartut. Ullumikkut meeqqat inuusuttullu ikorfartorneqarnissaminnut periarfissaat suuppat? Minnerunngitsumik ilinniagassat eqqarsaatigalugit.

Taamatullu meerartatta inuusuttortattalu angajoqqaavinut atugassarititaasut qitiusumik inissisimapput. Tassani angajoqqaatut ulluinnarni assoralisimaarnerit sorsutassallu annertusiartortillugit, angajoqqaat atuartuutiminut ikorfartuisinnaanerat appariartortarpoq. Taamaattumik isiginiagassatta ilagilluinnarpaat ilaqtariit nukittuut qanoq pilersinniarsinnaanerlutigik.

Allatut oqaatigalugu inuttut atugassarititaasut qitiulluinnarput, aamma meerartatta inuusuttortattalu ilinniargartuussutsikkut atugarisaat eqqarsaatigalugit.

Partii Inuit aamma tikkusupparput, Ilanniartitsisunngorniarfiup Atuarfitsialaallu imminnut ataqtigiissaarneqarnerat. Atuartitsinerup pitsaassusaa suli annertunerusumik qaffassarniarutsigu iliuuseqarfissat ilagaat ataqtigiissaarineq, tassuunakkut Atuarfitsialammi misilitakkat Ilanniartitsisunngorniarfimmi ilanniartitsinermut immersueqataasinnaaqquullugit.

Partii Inuit aamma taarusunngitsuunngilai Atuarfiit Siulersuisui. Taakkuupput ullumikkut qitiusumik akisussaaqataasut – inuusuttattaa ilinniargartuussusaat eqqarsaatigalugu.

Qularutiginngilarput Atuarfiit Siulersuisui nukitorsarneqarsinnaappata, meerartatta inuusuttortattalu siunissaannut aamma ikorfartueqataassasoq. Taamaattumik Atuarfiit Siulersuisisi sulinerat pillugu nukitorsaanerit kipisuitsumik ingerlanneqartariaqarput.

Tikkuutit avaqqukkuminaatstut ilagaat Danmark’imut ilinniariartartut 70 %’iisa missaat Nunatsinni sulilerneq ajormata. Allatut oqaatigalugu ilinniakkamik naammassinnittartut ikinngitsut pigigaluarpagut – ullumikkut atorusussimannginneratsigik qanoq iliuuseqarfigerusunngisagut.

Tassalu aamma isummerfissat naliliivigisassallu pingaaruteqarluinnartut ilagisaat. Iliuuseqarfifigutsigu annertunerungaartumik toqqaannartumillu angusaqarfigisinnaasarpuit.

Partii Inuit soqutigaa uuma apeqqutip ataatsimiitani susassaqartuni tamani eqqartuiffigineqarnissaa, tassuunakkut uuma siunnersuutip aappassaaneerneqannginnerani

isumaliutissiisoqarsinnaanera soqtiginartillutigu, taamalu Naalakkersuisut suleriaqqinnerini
isummersueqataasoqarsinnaaqquullugu.